




**«ՀՀ ԱՐՄԱՎԻՐԻ ՄԱՐԶԻ ՄԵԾԱՄՈՐ
ՀԱՄԱՅՆՔ»**

ԾՐԱԳԻՐ

**ՄԵԾԱՄՈՐ ՀԱՄԱՅՆՔԻ 2026 ԹՎԱԿԱՆԻ
ԲՆԱՊԱՀՊԱՆԱԿԱՆ ԾՐԱԳԻՐ**

ԲՈՎԱՆԴԱԿՈՒԹՅՈՒՆ

Համայնքի նկարագրությունը	3
Ծրագրի ընդհանուր նպատակը	5
Ծրագրի հիմնախնդիրները	7
Ծրագրի իրականացման նպատակը	8
Ծրագրի իրականացման արդյունքներին ուղղված անհրաժեշտ միջոցառումները	9
Բնապահպանական ծրագիր	11

ՀԱՄԱՅՆՔԻ ՆԿԱՐԱԳՐՈՒԹՅՈՒՆԸ

2021 թվականի «Վարչատարածքային բաժանման մասին» ՀՀ օրենքի 2-րդ հավելվածի 2.3-րդ մասի «Արմավիրի մարզի համայնքներն ու բնակավայրերը» ցանկի 3-րդ կետի և «Տեղական ինքնակառավարման մասին» ՀՀ օրենքի 102-րդ հոդվածի 4-րդ մասի համաձայն համայնքի միավորման ու վերակազմակերպման արդյունքում ձևավորվեց Մեծամոր խոշորացված համայնքը (այսուհետ՝ համայնք): Միավորման արդյունքում Մեծամոր համայնքը բաղկացած է մեկ քաղաքային և 30 գյուղական բնակավայրերից՝ Ալաշկերտ, Ամասիա, Այգեշատ, Արագած, Արգավանդ, Արմավիր, Արտաշար, Արևիկ, Բամբակաշատ, Բերքաշատ, Գետաշեն, Եղեգնուտ, Երասխահուն, Զարթոնք, Հայկական, Մարգարա, Մրգաշատ, Նալբանդյան, Նոր Արմավիր, Նոր Արտագերս, Նոր Կեսարիա, Նորապատ, Շենական, Ջանֆիդա, Ջրաշեն, Վարդանաշեն, Տանձուտ, Փշատական, Ակնալիճ, Տարոնիկ:

Հայաստանի Հանրապետության Արմավիրի մարզի Մեծամոր համայնքի Մեծամոր քաղաքը հիմնադրվել է 1969 թվականին, երբ սկսվել են հայկական ատոմային էլեկտրոկայանի շինարարական աշխատանքները: Սկզբում այն անվանվել է որպես քաղաքատիպ ավան, այնուհետև 1992 թվականին ստացել է քաղաքի կարգավիճակ:

Քաղաքը գտնվում է ծովի մակերևույթից 855 մ բարձրության վրա: Երևան քաղաքից գտնվում է 38 կմ, իսկ մարզկենտրոն Արմավիր քաղաքից 6 կմ հեռավորության վրա: Քաղաքում գործում է թվով 2 դպրոցական, թվով 3 նախադպրոցական հաստատություններ, մշակույթի տուն, մարզադպրոց, արվեստի դպրոց, գրադարան, բժշկական կենտրոն, փոստային բաժանմունք, համայնքային հյուրանոց, գործում են թվով 2 հասարակական կազմակերպություններ, Հայ Առաքելական եկեղեցի և այլ հասարակական օբյեկտներ: Մեծամոր քաղաքը ունի քաղաքաշտպանության համար նախատեսված հիսուն թաքստոց:

Ժողովրդագրություն

Տարեսկզբի դրությամբ Մեծամոր քաղաքային բնակավայրի մշտական բնակչությունը կազմել է 12.531 մարդ, բնակավայրը զբաղեցնում է 910,78 հա տարածք: Համայնքի ընդհանուր տարածքը կազմում է 32.622,07 հա, իսկ բնակչությունը՝ 79.544 մարդ, այդ թվում՝

- Տղամարդկանց թիվը – 40.128 մարդ
- Կանաց թիվը – 39.416 մարդ
- Թոշակառուների թիվը – 9.798 մարդ
- Տեղահանվածներ – 1514 մարդ
- Միակողմանի ծնողազուրկ երեխաներ – 377 մարդ
- Երկկողմանի ծնողազուրկ երեխաներ – 5 մարդ
- Հաշմանդամներ – 1.627 մարդ
- Ընտանեկան նպաստի պետական համակարգում գրանցված ընտանիքների թիվը – 1.100 ընտանիք
- Զոհվածների ընտանիքներ- 152 ընտանիք
- տնային տնտեսությունների թիվը – 18.234 տնային տնտեսություն

ԾՐԱԳՐԻ ԸՆԴՀԱՆՈՒՐ ՆՊԱՏԱԿԸ

Ծրագրի ընդհանուր նպատակն է

բարելավել Մեծամոր համայնքի բնական միջավայրը,

վերականգնել և ամրապնդել համայնքի բնակչության առողջությունը

Ծրագրի նպատակն է «Ընկերությունների կողմից վճարվող բնապահպանական վճարների նպատակային օգտագործման մասին» ՀՀ օրենքի համաձայն պետական բյուջեից, Մեծամոր համայնքին կատարվող մասհանումների գումարներով լուծել համայնքում առկա բնապահպանական խնդիրները:

Ծրագիրը ներառում է.

1. Մեծամոր համայնքի բնապահպանական և շրջակա միջավայրի պահպանությանն ու վերականգնման միջոցառումներ:
2. Համայնքի բնակչության առողջության պահպանմանը նպատակաուղղված միջոցառումներ, որոնց անհրաժեշտությունը պայմանավորված է հիմնականում «ՀԱԷԿ» ՓԲԸ-ի գործունեությամբ:

ԾՐԱԳՐԻ ՀԻՄՆԱՎՈՐՈՒՄԸ

ՄԵԾԱՄՈՐ ՀԱՄԱՅՆՔԻ ՇՐՋԱԿԱ ՄԻՋԱՎԱՅՐԻ

ՆԵՐԿԱ ՎԻՃԱԿԸ ԵՎ ԱՌԿԱ ԽՆԴԻՐՆԵՐԸ

«ՀԱԷԿ» ՓԲԸ-ի գործունեության ազդեցությունը

Հայկական ԱԷԿ-ը բաղկացած է երկու էներգաբլոկներից՝ ՋՋԷՌ-440 տիպի (B-270 մոդելի) ռեակտորներով: ՀԱԷԿ-ի առաջին էներգաբլոկը արդյունաբերական շահագործման հանձնվեց 1976թ-ին, իսկ երկրորդը՝ 1980թ-ին: Էներգաբլոկների դրվածքային հզորությունը կազմում է 407,5ՄՎտ, շահագործման նախագծային ժամկետը՝ 30 տարի: ԽՍՀՄ մինիստրների խորհրդի որոշմամբ Սպիտակի ավերիչ երկրաշարժից հետո 1989թ. փետրվարին և մարտին կանգնեցվեցին №1 և №2 էներգաբլոկները: ԽՍՀՄ փլուզմանը հաջորդող քաղաքական կատակլիզմները 1990-1993թթ. հանգեցրեցին Հայաստանի շրջափակմանը և որպես դրա հետևանք՝

հանրապետության ծանր էներգետիկ ճգնաժամի: Ստեղծված իրավիճակով էր պայմանավորված միակ ընդունելի որոշումը՝ վերսկսել Հայկական ԱԷԿ-ի աշխատանքը: 1993թ. Հայաստանի կառավարությունն ընդունեց ՀԱԷԿ-ի №2 էներգաբլոկի շահագործումը վերսկսելու վերաբերյալ որոշում: Նորոգման ու վերականգնման աշխատանքները և անվտանգության բարձրացմանն ուղղված միջոցառումներն իրականացնելուց հետո 1995թ. նոյեմբերին №2 էներգաբլոկը միացվեց էներգահամակարգին:

№1 էներգաբլոկը գտնվում է երկարատև կանգի ռեժիմում: Էներգաբլոկի վերագործարկում չի նախատեսվում:

Հայկական ԱԷԿ-ի №2 բլոկի վերագործարկման շնորհիվ Հայաստանը ծանր էներգետիկ ճգնաժամից հետո անցավ շուրջօրյա էլեկտրամատակարարման: Բացի այդ, բլոկի շահագործումը վերսկսելուց հետո հանրապետությունը ձեռք բերեց բավականին բարձր էներգետիկ անկախություն վառելիքի ներկրվող տեսակներից: Ատոմային էներգետիկան հանդիսանում է Հայաստանում էներգիայի հիմնական աղբյուրներից մեկը և որոշիչ դեր է խաղում ազգային էներգամատակարարման գործում:

«ՀԱԷԿ» ՓԲԸ-ն արդյունաբերական օբյեկտ է, որտեղ Հայկական ԱԷԿ-ի մասնաբաժինը հանրապետությունում արտադրվող էլեկտրաէներգիայի ընդհանուր արտադրության մեջ կազմում է ավելի քան 40%, որին մասնակցում է Մեծամոր համայնքում բնակվող մասնագետների մի մասը : ՀԱԷԿ-ը հանդիսանալով բարձր արտադրական ոլիսկով օբյեկտ, առաջնահերթ ենք համարում կարևորություն տալ մարդկային գործոնին, մասնավորապես աշխատողների ֆիզիկական և հոգեկան առողջությանը: Ելնելով դրանից առաջարկում ենք պետության կողմից մասհանված գումարը օգտագործել ՀԱԷԿ-ից 4,5 կմ հեռավորությունում գտնվող Մեծամոր քաղաքում բարեկարգ այգի վերակառուցելու նպատակով առաջնորդվելով մաքուր խմելու ջուր, թթվածնով հագեցած մաքուր օդ և անվտանգ շրջակա միջավայր կարգախոսով:

ԾՐԱԳՐԻ ՀԻՄՆԱԽՆԴԻՐՆԵՐԸ
ԾՐԱԳՐԻ ՀԻՄՆԱԽՆԴԻՐՆԵՐԻ ԼՈՒԾՄԱՆՆ ՈՒՂՂՎԱԾ
ԳՈՐԾՈՂՈՒԹՅՈՒՆՆԵՐ

Ծրագրի հիմնական խնդիրներն են. Ծրագրի հիմնախնդիրների լուծմանն ուղղված գործողություններ

1. Աջակցել տարածաշրջանի և համայնքի բնապահպանական խնդիրների լուծմանը:
2. Բարեկարգել համայնքը:
3. Կառուցել պուրակ՝ բնակչության հանգիստն ապահովելու նպատակով:
4. Ծառատունկերի, կանաչապատ տարածքների վերականգնման միջոցով բարելավել համայնքի բնապահպանական վիճակը, ապահովել հնարավորինս առողջ մթնոլորտ, պահպանել կենսաբազմազանությունը:
5. Տեղադրել թափոնների համար նախատեսված աղբարկղեր:
6. Պուրակում տեղադրել էներգախնայող լուսատուներ՝ արտանետումները նվազացնելու և տնտեսում կատարելու նպատակով:
7. Իրականացնել երեխաների առողջության ամրապնդմանն ուղղված միջոցառումներ:
8. Նախատեսվում է նաև հաշմանդամություն ունեցող անձանց, ինչպես նաև սակավաշարժ խմբերի հասանելիության ապահովման լրացուցիչ միջոցառումների՝ թեքահարթակների կառուցում:

ԾՐԱԳՐԻ ԻՐԱԿԱՆԱՑՄԱՆ ՆՊԱՏԱԿԸ

Ծրագրի իրականացման նպատակն է պահպանել, վերականգնել և բարելավել համայնքի բուսական, ջրային և օդային տարածքները, իրականացնել «ՀԱԷԿ» ՓԲԸ-ի գործունեության հետևանքով բնակչության առողջական խնդիրների լուծմանն ուղղված վերականգնողական միջոցառումներ:

Ծրագրի արդյունքում նախատեսված համալիր միջոցառումների իրականացումը հնարավորություն կտա որոշակի չափով բարելավել և պահպանել համայնքի բուսածածկի, օդային տարածքի ներկա վիճակը, վերականգնել բնակչության առողջությունը, կանխարգելել հիվանդությունների առաջացումը և ստեղծել շրջակա միջավայր բնակիչների հանգստի համար:

ԾՐԱԳՐԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

Ծրագրից ակնկալվող արդյունքներին հասնելուն ուղղված նպատակային գործողություններ.

1. Կբարելավվեն համայնքի սանիտարահիգիենիկ պայմանները:
2. Կստեղադրվեն աղբարկղեր:
3. Ծառատունկերի և կանաչապատ տարածքների ընդլայնման շնորհիվ կբարելավվի համայնքի օդային ավազանը, կձևավորվի բարենպաստ միկրոկլիմա:
4. Կնվազեն CO₂ գազի արտանետումները դեպի քաղաք:
5. Համայնքի բնակչության համար առողջ ապրելակերպ վարելու և հանգստի հնարավորություն կստեղծվի:
6. Օժանդակություն կցուցաբերվի համայնքի բնակչության առողջության պահպանմանը, ամրապնդմանն ու հիվանդությունների կանխարգելմանը:

ԾՐԱԳՐԻ ԻՐԱԿԱՆԱՑՄԱՆ ԱՐԴՅՈՒՆՔՆԵՐԻՆ ՈՒՂՂՎԱԾ

ԱՆՀՐԱԺԵՇՏ ՄԻՋՈՑԱՌՈՒՄՆԵՐԸ

Ծրագրի ակնկալվող արդյունքներին հասնելու համար անհրաժեշտ է իրականացնել հետևյալ միջոցառումները.

ԲՆԱՊԱՀՊԱՆԱԿԱՆ ՄԻՋՈՑԱՌՈՒՄՆԵՐ

- Մեծամոր քաղաքի վարչական կենտրոն թիվ 1 հասցեում գտնվող պուրակի բարեկարգում /կադաստրային ծածկագիր 04-003-0031-0001-ից մոտ 1800 քմ տարածք/: Նախատեսվում է կանաչապատ տարածքի վերականգման աշխատանքներ, չորսվակներով /բրուսչատկայով/ ճեմուղիներ կառուցման՝ 200 քմ, ճեմուղիների լուսավորության ապահովման աշխատանքներ՝ արևային մարտկոցներով թվով 20 հատ, նախատեսվում է նաև տեղադրել պուրակին համահունչ մետաղյա նստարաններ /10 հատ/, աղբամաններ /12 հատ/, իսկ կանաչապատ տարածքի ջրապահանջարկը կապահովի Մեծամորի համայնքապետարանին պատկանող ջրցան մեքենայի միջոցով:
- Պուրակի ընդհանուր տարածքը կազմելու է շուրջ 1800 քմ, որից անջրանցիկ տարածք է լինելու 200 քմ, քանի որ նախատեսվելու է կառուցել բնակչության համար՝ չորսվակներով /բրուսչատկայով/ ճեմուղիներ: Բաց տարածքներում նախատեսվում է նոր տեսակների ծառերի և թփերի տնկման աշխատանքներ իրականացնել:
- Մեծամոր քաղաքի նշված պուրակի բարեկարգմանն ուղղված աշխատանքների համար նախատեսվում է վերականգնել և ընդլայնել տվյալ տարածքի կանաչապատ տարածքը:
- Պուրակում նախատեսվում են տեղադրել 12 փոքր մետաղական աղբարկղեր և 10 նստարաններ բնակչության համար: Աղբարկղերի տեղադրումը կապահովի պուրակի մաքրությունը, ինչպես նաև աղբը կենդանիների կամ քամու միջոցով տարածումը շրջակայքում:
- Նախատեսվում է նաև հաշմանդամություն ունեցող անձանց, ինչպես նաև սակավաշարժ խմբերի հասանելիության ապահովման լրացուցիչ միջոցառումներ՝ թեքահարթակների կառուցում: Անհրաժեշտ է հատկապես ընդգծել, որ մատչելի ֆիզիկական միջավայրն օգտակար է ոչ միայն հաշմանդամություն ունեցող մարդու, այլ բոլորի համար, և այն ենթադրում է ոչ միայն շինությունների մատչելիությունը, այլ

նաև մայթեզրերի հարմարեցումը և հետիոտների շարժը սահմանափակող այլ խոչընդոտների վերացումը: Միջավայրը մատչելի պետք է լինի ոչ միայն տեղաշարժման, այլ նաև տեսողական, լսողական, և այլ խնդիրներ ունեցող մարդկանց համար:

➤ Իրականացվելիք աշխատանքները ավելի կհաստատկեցվեն նախագծանախահաշվային փաստաթղթերը ձեռք բերելուց հետո, եթե ձեռք բերված նախագծանախահաշվային փաստաթղթերում ընդգրկված միջոցառումների հարաբերակցությունը գերազանցի ներկայացված միջոցառումների արժեքները, ապա համայնքի կողմից կվճարվի առկա տարբերությունը:

Մեծամոր համայնքի 2026 թվականի բնապահպանական ծրագրով նախատեսված միջոցառումների իրականացման առաջնայնությունները և դրանց ֆինասավորման համամասնությունները

Հ/Հ	Միջոցառման անվանումը	Գումարը /հազ. դրամ/	Համամասնությունը %
1	Մեծամոր քաղաքի վարչական կենտրոն թիվ 1 հասցեում գտնվող պուրակի քանդման, մաքրման և բարեկարգման աշխատանքներ /կադաստրային ծածկագիր 04-003-0031-0001-ից մոտ 1800 քմ փարածք/	1800,0	17,14
2	Մեծամոր քաղաքի վարչական կենտրոն թիվ 1 հասցեում գտնվող պուրակի ապահովել լուսավորություն էլեկտրասյուներով և արևային մարդկոցներով / 20 հաւր /	2000,0	19,08
3	Մեծամոր քաղաքի վարչական կենտրոն թիվ 1 հասցեում գտնվող պուրակում կառուցել չորսվակներով /բրուսապակայով/ ճեմուղիներ / մուրքերի մոտ /200 քառ.մ /	3500,0	33,33
4	Մեծամոր քաղաքի վարչական կենտրոն թիվ 1 հասցեում գտնվող պուրակի համար տեղադրել պուրակների համահունչ մետաղյա նստարաններ / 10 հաւր /	800,0	7,61
5	Մեծամոր քաղաքի վարչական կենտրոն թիվ 1 հասցեում գտնվող պուրակի համար ձեռքբերել և տեղադրել մետաղական աղբարկղեր / 12 հաւր /	600,0	5,71
6	Մեծամոր քաղաքի վարչական կենտրոն թիվ 1 հասցեում գտնվող պուրակի առկա բաց փարածքների ծառատնկում և կապաշապատում	800,0	7,61
7	Նախագծանախահաշվային աշխատանքներ	1000,0	9,52
8	Ընդամենը	10500,0	100

ԾՐԱԳՐԻ ԳՆԱՀԱՏՄԱՆ ՉԱՓԱՆԻՇՆԵՐԸ

Ծրագրի գնահատման չափանիշ կարող է լինել՝

1. Բնապահպանական ծրագրից օգտվող շահառուների թվի աճը:
2. Համայնքի սանիտարահիգիենիկ վիճակի բարելավում:
3. Ընդլայնված և վերականգնված կանաչապատ տարածքներ:
4. Բնակիչների հանգստի կազմակերպում:
5. Համայնքի բնակչության առողջական վիճակի պահպանում, ամրապնդում:
6. Բնակչության մեջ առողջ ապրելակերպի գաղափարի արմատավորում, ֆիզիկական կուլտուրայով զբաղվելու մատչելիության ապահովում:

ՀԱՄԱՅՆՔԻ ՂԵԿԱՎԱՐ՝



Վ. ԽԱՉԱՏՐՅԱՆ



**«ՀՀ ԱՐՄԱՎԻՐԻ ՄԱՐԶԻ ՄԵԾԱՄՈՐԻ
ՀԱՄԱՅՆՔԱՊԵՏԱՐԱՆ»**

ԾՐԱԳԻՐ N 1

**ՄԵԾԱՄՈՐ ՔԱՂԱՔԻ ՎԱՐՉԱԿԱՆ
ԿԵՆՏՐՈՆ ԹԻՎ 1 ՀԱՍՑԵՈՒՄ ԳՏՆՎՈՂ
ՊՈՒՐԱԿԻ ԲԱՐԵԿԱՐԳՈՒՄ
/ԿԱԴԱՍՏՐԱՅԻՆ ԾԱԾԿԱԳԻՐ 04-003-0031-
0001-ԻՑ ՄՈՏ 1800 ՔՄ ՏԱՐԱԾՔ/**

ՄԵԾԱՄՈՐ ՀԱՄԱՅՆՔԻ ԲՆԱԿԱՆ ՄԻՋԱՎԱՅՐԻ

ՊԱՀՊԱՆՄԱՆ ԵՎ ՎԵՐԱԿԱՆԳՆՄԱՆ

ԲՆԱՊԱՀՊԱՆԱԿԱՆ ԾՐԱԳՐԵՐ

ԾՐԱԳԻՐ - N 1

ՄԵԾԱՄՈՐ ՔԱՂԱՔԻ ՎԱՐՉԱԿԱՆ ԿԵՆՏՐՈՆ ԹԻՎ 1 ՀԱՍՑԵՈՒՄ ԳՏՆՎՈՂ
ՊՈՒՐԱԿԻ ԲԱՐԵԿԱՐԳՈՒՄ /ԿԱԴԱՍՏՐԱՅԻՆ ԾԱԾԿԱԳԻՐ 04-003-0031-
0001-ԻՑ ՄՈՏ 1800 ՔՄ ՏԱՐԱԾՔ/

	ԾՐԱԳՐԻ ԿԱՌՈՒՑՎԱԾՔԸ	ԱԿՆԿԱՎՈՂ ԱՐԴՅՈՒՆՔՆԵՐԻ ՉԱՓԱՆԻՇՆԵՐԸ
ԸՆԴՀԱՆՈՒՐ ՆՊԱՏԱԿԸ	Համայնքում հանրային հանգստի և կանաչ գոտիների ստեղծում	«Հայկական ատոմային էլեկտրակայան» ՓԲԸ աշխատանքի հետևանքով վնասակար ազդեցության ենթարկվող Մեծամոր քաղաքային համայնքին պետական բյուջեից մասհանման կարգով բնապահպանական միջոցառումների իրականացման անհրաժեշտությունն է: Ծրագրեր իրականացնելով անհրաժեշտ է հնարավորինս նվազեցնել վնասակար ազդեցությունների ենթարկվող համայնքի ազգաբնակչությանը և բնությանը պատճառվող վնասները ավելացնելով համայնքում կանաչապատ տարածքները: Համայնքի բնակիչների համար հանգստի կազմակերպման հնարավորություն
ԾՐԱԳՐԻ ԿԱՌՈՒՑՎԱԾՔԸ ԵՎ ԻՐԱՎԱԿԱՆ ՀԻՄՔԵՐԸ	«Ընկերությունների կողմից վճարվող բնապահպանական հարկի նպատակային օգտագործման մասին» ՀՀ օրենքի համաձայն բնապահպանական հարկից մասհանման գումարի հաշվարկված չափը կազմում է 10.500.000 ՀՀ դրամ:	

ԱԿՏԱԿՎՈՐ ԱՐԴՅՈՒՆՔՆԵՐԸ	Համայնքի բնակչության համար հանգստի կազմակերպման ապահովում	Ծրագրի իրականացման արդյունքում համայնքի բնակիչները կունենան գեղեցիկ, բարեկարգ կանաչապատ պուրակ և հանգստի անցկացման համար լիարժեք հնարավորություն
ԱԿՏԱԿՎՈՐ ԱՐԴՅՈՒՆՔՆԵՐԻՆ ՀԱՄՆԵԼՈՒ ՀԱՄԱՐ ԱՆՀՐԱՓԵՃՏ ՄԻՋՈՑԱՊՈՒՄՆԵՐԸ	Իրականացնել այգու և ճեմուղիների կառուցման աշխատանքներ, Աշխատանքների կատարման համար անհրաժեշտ նախահաշվային արժեքը՝ 10500,00 մլն. դրամ է, նախագծա- նախահաշվային աշխատանքներ՝ գտնվում են ընթացքի մեջ : Ընդամենը՝ 10500,00 մլն. դրամ	Ծրագրի իրականացման արդյունքում կկառուցվեն չորսվակներով /բրուսջատկա/ ճեմուղիներ, լուսավորությունը կապահովվի ձևավոր էլեկտրասյուներով և արևային մարտկոցներով, կտեղադրվեն պուրակին համահունչ մետաղյա նստարաններ: Պուրակը կլինի ծառերով հարուստ:
ՖԻՆԱՆՍԱԿԱՆ ԱՐԺԵՔԻ ԳՆԱՀԱՏՈՒՄԸ, ՆՅՈՒԹԱԿԱՆ ԾԱԽՄԵՐԸ		Մեծամոր քաղաքի վարչական կենտրոն թիվ 1 հասցեում գտնվող պուրակի բարեկարգման /կադաստրային ծածկագիր 04-003- 0031-0001-ից մոտ 1800 քմ տարածք/ համար պահանջվող նյութական արժեքների ձեռք բերումը կկատարավի սահմանված կարգով համաձայն տեխնիկական պայմանների հաշվարկման միջոցով՝ << Կառավարության կողմից հաստատված նորմաների հիման վրա նախագիծ-նախահաշիվ ձեռք բերելուց հետո:

Համաձայնեցված է
ՀՀ Շրջակա միջավայրի նախարար

« » _____ 2026թ.

Հավելված
Մեծամոր համայնքի 2026թ.
Բնապահպանական ծրագիր



**Մեծամոր համայնքի 2026 թվականի բնապահպանակ
ծրագրով նախատեսված միջոցառումների իրականացման
առաջնությունները և դրանց ֆինանսավորման
համամասնությունները**

**Մեծամոր համայնքի 2026 թվականի բնապահպանակ ծրագրով նախատեսված
միջոցառումների իրականացման առաջնայնությունները և դրանց
ֆինանսավորման համամասնությունները**

N	Միջոցառման անվանումը	Գումարը/հազ. դրամ/	Համամասնությունը %
1	ԲՆԱՊԱՀՊԱՆՈՒԹՅՈՒՆ		
1.1	ՄԵԾԱՄՈՐ ՔԱՂԱՔԻ ՎԱՐՉԱԿԱՆ ԿԵՆՏՐՈՆ ԹԻՎ 1 ՀԱՍՑԵՈՒՄ ՊՈՒՐԱԿԻ ԲԱՐԵԿԱՐԳՈՒՄ /ԿԱԴԱՍՏՐԱՅԻՆ ԾԱԾԿԱԳԻՐ 04- 003-0031-0001-ԻՑ ՄՈՏ 1800 ՔՄ ՏԱՐԱԾՔ/	10500,00	100
	ԸՆդամները	10500,00	100